

DPCM de su 14 de gennàrgiu de su 2021

IS DISPONIMENTUS NOUS CHI AGATANT' APLICU DE
SU 16 DE GENNÀRGIU A SU 5 DE MARTZU DE SU 2021

ZONA GROGA

TRANSIDURAS

- Non fait a bessiri de is 10.00 de noti a is 5.00 de mangianu.
- Non fait a andai de una Regioni a s'àtera o a is provìntzias autònomas (mancu a is de duas domus) finsas a su 15 de friàrgiu de su 2021.
- Fait a si movi sceti po motivus de apretu mannu, saludi o traballu. Sunt ammitias dèrogas po chi unu potzat torrai a su domitziliu, residèntzia o a domu sua.

ZONA GROGA

BISITAS A PARENTIS O AMIGUS

- Si podit lompi sceti una borta a sa dii, aintru de is 5.00 de mangianu e is 10.00 de noti, a una domu privada a intru de sa matessi Regioni in non prus de duas personas, in prus de is cunviventis chi s'agatant giai in sa domu. Is chi bessint ant a porri portai in fatu a is fillus insoru (si tenint prus pagu de 14 annus) o a is cunviventis insorus chi non sunt autosufizientis.

ZONA GROGA

TZILLERIS E RISTORANTIS

- Is fainas chi pertocant is servìtzios de ristoratzioni (tzilleris, pub, ristoranti, ofellerias, gelaterias) sunt permissas de is 5.00 de mangianu a is 6.00 de merii.
- In sa mesa non fai a essi in prus de 4 personis francu chi non siant totus cunviventis.
- A pustis de is 6.00 de merii non fait a pigai cosa a papai o a bufai in logus pùblicus o abertus a su pùblicu.
- Po is chi cunsinniant cosa in deretura a domu non ddoi at restrizzionis de oràriu.
- Finsas a is 10.00 de noti fait a comporai cosa a papai de nci portai a domu, ma no fait a papai a intru de su locali. Is localis cun su còditzi cummertzialis Ateco 56.3 (tzilleris sena de coxina) e 47.25 (is chi bendint cosa a bufai in butegas ispecializadas) depint serrai a intru de is 6.00 de merii.

ZONA GROGA

ATIVIDADIS CUMMERTZIALIS A SA MINUDA E TZENTRUS CUMMERTZIALIS

- Is tzentrus cummertzialis abarrant serraus in is diis de festa e in cussus innantis, francu is butegas de alimentari, supermercaus, potecarias e parapotecarias, stangus e edìculas chi sunt a intru de inguni.
- Is butegas abarrant abertas cun su pròpiu oràriu de prima.

ZONA GROGA

SCOLAS

- Didàtica in presèntzia a su mancus po su 50% e finsas a su 75% po is studiantis de sa scola secundària inghitzendi de su 18 de gennàrgiu.
- In is asilus, scolas elementaris e mèdias si faint is letzionis in presèntzia.
- In is universidadis, is fainas de formatzioni e curricularis si faint a distàntzia, fait a fai in presèntzia is fainas de formatzioni e curricularis de is insenniamentus de su primu annu de cursu de stùdiu, o cussas chi pertocant classis cun pagu studiantis, laboratòrius, esàminis o làureas.

ZONA GROGA

ATIVIDADES MOTÒRIA E SPORTIVA

- Fait a fai atividades sportiva in foras e a sa sola sceti.
- Sunt abertus is tzentrus sportivus ma abarrant serradas is palestras e is piscinas.

ZONA GROGA

CULTURA E SPÀSSIU

- Is museus aberint de su lunis a sa cenàbura a cundizioni chi, ponendi in contu sa mannària e is carateristicas de su locali, assegurint sèmpiri s'arrespetu de is disponimentus contra a sa covid, s'intrada a pagu a pagu sena chi sa genti s'atrumit a pari.
- Abarrant serraus is tzìnemas e is tiatrus.

ZONA GROGA

TRASPORTU PÙBLICU LOCALI

- Smenguat de su 50% su trasportu pùblicu locali e su trasportu ferroviàriu regionali francu su trasportu po sa scola.

ZONA GROGA

IMPIANTUS PO SCIAI

- De su 15 de friàrgiu is impiantus sunt abertus po is chi tenint sa passioni po sciai, ma tocat a sighiri is lìneas-ghia de is Regionis e provìntzias autònomas stabilias de su Comitau Tènnicu scientìficu po no fai atrumai a sa genti.

ZONA GROGA

CUNCURSUS E SELETZIONIS

- Abarrant frimmas is provas preseletivas e scritas de is cuncursus pùblicus e privaus e cussas de abilitazioni professionali, francu chi is candidaus non siant valutaus sceti po su curriculum cosa insoru e in modalidadi telemàtica. Custu no balit po is seletzionis de is operadoris sanitàrius.

ZONA GROGA

SALAS DE GIOGUS

- Sunt suspèndias is atividadis de salas de giogus, scumissas, bingo, slot machine finsas in is tzilleris e is stangus.

ZONA GROGA

CUNGRESSUS E ATÒBIUS

- Non fait a fai cunvènnius e àterus atòbius francu chi non siant fatus in presència.
- Is tzerimònias pùblicas fait a ddas fai a tenori de is protocollus e lìnias-ghia stabilias e sena de pùblicu.
- Is atòbius de is amministratzionis pùblicas s'ant a sighiri a fai de a tesu e s'arrecumandat de fai aici finsas po is atòbius privaus.

ZONA GROGA

TRABALLU

- Abarrat cunfirmau su de traballai su prus in *smart working* siat in s'amministratzioni pùblica chi in su setori privau.